



REFLECTIONS

Editorial Board

Editor : C Rodingliana
Ph. No : 7005598241
Asst Editor : Lalsiammawii
Ph. No : 8256958335

LITERATURE CLUB O.B 2024-2025

President
C Rodingliana
V Semester

Vice President
Lalmangaiha
I Semester

Secretary
Vanlalthathanga
V Semester

Asst. Secretary
K Lalnunmawia
V Semester

Treasurer
Lalsiammawii
V Semester

Fin. Secretary
C Zorinpuii
V Semester

KHAWTLÂNG DÂRZÂM Awi...Social Media..!!

Romuanpuii Zadeng



Ka kianga engto nei hauh lova a Mobile phone hmeta let let, a châng a nui deuh awr awr pah leh, a châng chuan a kut hûm ruha han hûi leh deuh pap pap thin chu ka melh zauh zauh a. Ka thu chhut lai chu amâ chanchin a ni ti rêng a ngaihtuah hek lo ! Nizan maia an zanriah ei chhuahna Restaurant lama a hming hliau zia pawh chu hre âwm pawhin a lang hek lo. Mahse, a lo hre ve tlat ! Nui awr awr chung chuan minrawn hui zauh zauh a. "A bialpa thar nêh Simpaziau Restaurant-ah an indût hle" tih leh, Amah din hliau deuh hleka ka kun hniam lai thlalak chu an lo theh darh nasa hle tih pawh a hre ve tlat !! I comment ve em!?" ka han ti deuh kher a. Nui har har pah chuan, "Teuh lo." a lo ti mai a. Comment lam chu a chhiar thla zat zat a. A la let pah deuh hal hal bawk a. Comment ve ta che." ka lo ti a. An duh duh hi sawi mai mai rawh se. Nuam an tihzia hi.. Ha ha... En teh, Nizan khan min va han fâwp ngun âwm mawlh mawlh ve. Ka hriat loh te khan min lo fâwp reng lo maw!?" I no ken khi i hmu em!?" an comment chu a nuih zat hle a. "Engvang ngawt chuan nge maw ka han fawh ngawt ang che le! Sawi fiah ve mai la." tiin ka lo nawr deuh titih a. Ngâi ho fahran chung chuan sâp tawng mumal lo zet hian, "This is Mizo social media is was..." a'n ti duh lek a.

Mizote hian social media hi kan hmang tangkai tawhin, khatia i chanchin an tarlan dan khan i hmakhua thui tak a vaw chhe dawn tih i hre lo em ni!? Sawi fiah ta che. Ka thlalak a la tel leh nghal." vîn lek lek hian ka han ti a. Ani lah chuan ngaihsam zet hian, "I no-ah khian Zû a awm lova. Min fawp turin i ngaihzawng ka ni lo tih i hre chiang bawk a. Eng lai hi nge sawi fiah leh vak ngai chuang!?" a lo ti leh mai a. "I sawi fiah loh chuan i hmalam huna i hming hliau reng tawh tur khi i dâwn ve lo em ni !? Thu dik chu i sawi dawn nge, keimah hian ka chhâng mai dawn em ni!? Thiam thute chu sawi ve em em tawh la." ka han ti lui ve leh ngat a. "Thla hmasa maia ka chanchinrawn thang nasa tak pawh kha i hriat kha. Khami tuma ka motor chet sual dan pawh kha ka Zu rui kha ka tlan liam a ni lo'm ni kha !? Zu hi ka heh bawk êm a. Ka che chhe reng mai anih hi. Ka bula awmte lah hi in lo dukdak lo ve ziah a. A haiii...!! Nang Pastor meuh pawh Zu no i dawm hi... Ha haaa...!! Nge, i mualpho tel ve khi a pawi viau tak ang a... Hmingchhe tel ve det" a lo ti deuh ham ham a. A nuih a za hmel phian mai a. "I bula rawn tlan, side la hauh lo khan, kawng thlangah a hrût

liam che tih kha ka hriat loh i ring em ni!? Mizoram ni lo, ram danga zir chhuak a, ram dang Pastor daih kei hian, ka mualpho phah dawn emaw, dawn lo emaw ka buaina a ni lo. Nangmah zawk hian entlêu i hlawh kumkhua tawh dâwn asin! Sawi fiah teh. Keimah hian ka'n sawi fiah ang e." tia comment mai ka tum lai chuan, min lo khap ta a. "Engmah kha sawi duh suh. I thiam thu kha i sawi nasat poh veleh an âwihsak lovang che. An âwih lo tulh tulh mai ang. Vawih lo kha vawih thut mai mai tur. A rei lovang. Boruak dang a lo lang ang a. A luahlân leh vat mai ang. Tun angah miin an hre rei tawh ngai lo. Kan han sá hlucii a, a reh ve leh nghal mai zel tho a. Ho lutuk. Hahdam rawh." a lo ti awlsam leh ta duai mai a. "Hmeichhia i nih hi. Kumkhua i hmingchhe hlen tawh dawn asin!" ti ka vin deuh tuarh pawh chuan eng vakah a ngai hlek lo. "Dâwt pakhat emaw, sâng tam tak pawhin an puh che a ni thei. An puhna che chu dâwt a ni tih i hriat tlat chuan, sawi fiah chhin lo mah la, Thu dik i hriatna khan i ke chheh a tibuai ngai lovang. Thu dik chu i hria a. A tawh viau a ni." a ti mai a. A mut leh hawl hawl na tang chunrawn thu chhuakin, kut kuangkua meuh chuan, amah nena inhme lo tak thu chu a rawn sawi chhuak ta a. "Mi tam takin Social media hi thu chi hrang hrang, dik leh dik lo pawh thlu lova, post hit leh entu ngah an nih duh avangin an lo hmang a ni thei. A tha zawk sawi tur an hriat loh vang a ni mai. Hria ni se an sawi zawk ngei ang.

"Tin, nang pawhin thu dik i hriat chu mi ngaihdan anih vang ni lovin, i ngaihdan anih avang zawkin i duh chuan i sawi mai tur a ni. Mi tam takten thu dik hrûla dâwt an sawi duh zawk anih pawhin, chan chhe zawk an nih avanga an bawh beh rawnte chungah chuangin bawh bet ve ngai suh. Tho leh thei lo khawpa an lo sawp hlum ta anih pawhin, an tu chhuante an rawn tho leh dâwn. Chutih hun chuan i tu chhuante kha an rahchhan vaivutah bek Lei bêngin an kûn hlauh dah ang e. Anni chuan i thlarau chu ânchhe lawhin, Chatuan atan an thlah hlauh palh ang e" a ti khanglang a."A deuh teh duah chuan. Chuti te chu thu dik chu sawi ve mai la" ka haw deuh hlur tawh. "Thu leh Hla puah thin leh ziak mite hi, he thluak piah lama thlarau pâwlte an ni thin. A luang zel a. Chhuan khat liam mah se, chhuan lehah a zawmna a lo piang leh tho. Khawvel ram hrang hranga an ziak mite chhungril thu hi a inhmu deuh pût tih i chîk ngai em !? Râu a neih vang a ni. Mihring chhut chah chi a ni hek lo. An hun tawn leh hmachhawnte chu, khawvel tifamkimtu tura thawnthu ruangâm lo indinna tak zawk a lo ni thin."Ka man lo. Ka man ta hauh lo mai le! " Ni e. Eng ber chu nge ni a sawi tum chu ni ang le!? Ka farnu thil sawi chu ka ngaihtuah vung vung a.

"A awmzia chu, hei hi a ni e. Internet khawvel, social media chak tawh lutuk tak mai hunah hian, khawvel pang lehlam leh Van thengreng thlenga thil thleng pawh, a thlen rual ruala kan inhriat pawh vek theih tawhna hunah, mahni tapchhak zâwl leh kum laizâwl atanga tu emaw nun hlu taka kan chhuah theihna, tu emaw kumkhaw chawr chhuah leh ngai tawh lo tura kan vuak chhiat theih bawkna tualzâwlah hian, thu dukdak lo leh belhchian dawl lo tak takten hmun a chang tam viau anih chuan, I ram chuan ngaihnawm khawpa sawi tlak chanchin tha a tlachham tihna a ni a. Social Media hian Chanchin tha tak tak sawi tur a neih theih nan, Nangmahah bul tan la. Zir tham, chhui tham, ngaihven tham chanchin hmanga i ram, i hnam, i Pathian chanchin hi sawi anih theih nân, i chanchin dâwt puahchawp aia, i sawi loh i chanchin dik tak zawk chu, loh theih lova ngaihven a la rawn nih zawkna turin nangmah khan i Nun kha thawhpui ang che. Chutih hun chuan i thiam thu sawi tura insawi fiah a ngai tawh lovang. I duh zawng chuan i chanchin chu a rawn hrilhfiaw tawh zawk dawn si a." inti sawi fuh zet chuan hmai zangthal hawh chuan min en a. Kut a la bêng zui!Ka hre thiam ta chiah. Inhmu thei si lova kan lèn tlân dual dual tawhna Internet leh Social Media khawvel-ah hian Indona nasa tak a thleng mêk a. Chanchin tha zawk leh hmasawna thlen thei zawk tur hmanga hnehna chang thei tura, mahni hma zawn theuha tan lâk kan mamawh tak zet zet ta a. Chu chu kan ram hmelhmang leh kan Sakhaw darthlang dik tak chu a ni. Mite sawi lam lama thle dual dual ringawt lova, hmanraw pawimawh taka hmang thiam a, kan hma zawn theuhah tan kan lák a lo pawimawh hle mai. I sawi chawp ni lo, I chanchin tha sawi a, Social Media hi a la vir ve ngei theihna turin, i hma chhawp eng pawh kha hlen rawh le !!

STUDENTS' UNION LEADERS 2024-2025	LITERATURE CLUB OB 2024-2025	YOUTH ADVENTURE CLUB OB 2024-2025	EVANGELICAL UNION OB 2024-2025
<p>Vice President Freddy Vanlalngheta V Sem.</p> <p>General Secretary Lalduhzuala V Sem.</p> <p>Games & Sport Secretary Micky Zothanpuia V Sem.</p> <p>Social & Cultural Secretary Lalramngaihawmi Aineh V Sem.</p> <p>Common Room Secretary Remsangzuali Sailo V Sem.</p> <p>Magazine Editor Lalmuansanga V Sem.</p> <p>Assistant General Secretary Lalchhanhima III Sem.</p> <p>Assistant Games & Sport Secretary Jacob Lalduhzuala III Sem.</p> <p>Assistant Social & Cultural Secretary FB Lalnunfeli III Sem.</p> <p>Assistant Common Room Secretary Lalngaihzuai III Sem.</p> <p>Assistant Magazine Editor S Vanlalhrauzeli III Sem.</p> <p>SU In-Charge: 1. Dr. C Hmingsangzuala, Asst Professor 2. CS Vanlalkunga, Asst Professor</p>	<p>President C Rodingliana V Semester</p> <p>Vice President Vanlalhmangaiha I Semester</p> <p>Secretary Vanlalathanga V Semester</p> <p>Asst. Secretary K Lalnunmawia V Semester</p> <p>Treasurer Lalsiammawii V Semester</p> <p>Fin. Secretary C Zorinpui V Semester</p> <p>Faculty-in-Charge: 1. Catherine Lalrodingi, Asst Professor 2. Lalzarzovi, Asst Professor</p>	<p>Leader F Laltlansanga V Semester</p> <p>Asst. Leader Lalmuansanga V Semester</p> <p>Secretary J Lalmuanpuia III Semester</p> <p>Asst. Secretary Lalduhzuala V Semester</p> <p>Treasurer K Malsawmhluipui III Semester</p> <p>Fin. Secretary Lalnunenga III Semester</p> <p>Convener Dr Samuel R Vanlalruata Asst Professor</p> <p>Co-Convener Vanlalrova Varte, Asst Professor</p>	<p>President Freddy VL Ngheta V Semester</p> <p>Vice President Lalruatsanga V Semester</p> <p>Secretary K Lalnunmawia V Semester</p> <p>Asst. Secretary M Lalthlamuanpuia III Semester</p> <p>Treasurer Lalmuansangi V Semester</p> <p>Prayer Secretary Lalmuansanga V Semester</p> <p>Asst Prayer Secretary Lalremsangpuia III Semester</p> <p>Music Secretary Lalmalsawma Hnamte</p> <p>Faculty-In-Charge Lalnunpuia Asst Professor Dr Samuel R Vanlalruata Asst Professor Dr C Hmingsangzuala Asst Professor</p>

Editorial...

Literature Club, Govt. Hnahtial College Weekly Bulletin chhiartu zawng zawngte a hmasa in chibai ka buk a che u. Literature Club Executive Committee hmasa ber chuan 2024-2025 atan Weekly Bulletin tihchhuah ve nise tiin a rel a, a hmasa ber atana kan chhuah thei hi thinlung takin ka lawm hle mai. Amaherawhchu experience la neilo kan ni a, tarlan tur chin te pawh thliar thiam a har in, chhiartute duhthu a sam lo hle in kan ring. Students Union lam thu thar emaw, College lam te pawh Bulletin alo changtlun zawk nan Editorial hnenah hian thelut thin ila, kan lo tarlang thin dawn a ni.

Literature Club hminga Bulletin chhuak hmasa ber kan han nei thei hi a lawmawm hle a, Zirlaite leh Zirtirtute atang paw'n kan thuziak Mizo tawng emaw English pawh nise tarlan theih vek a ni a, thawh hreh lo turin kan in sawm bawk a ni. Weekly Bulletin hi Print a ni dawn lova, Soft Copy a thehdarh tura ruahman a ni bawk e.

Tin, Zirlaite hriattur paiwmawh te pawh tarlan zel kan tum dawn a ni. College chungga Cell hrang hrangte hmalakna pawh Editorial Board ah thlalak nen a remchan dan a zirin thawn zel ila, he bulletin kaltlang hian phochhuah zel kan tum dawn bawk a ni. Bulletin 1st Issue anih angin thil danglam leh mit han la tak tarlan tur a awm lem lova, tin kum bul kan tan chauh a ni a, hmalakna thar te, Information pawimawh hrang hrang te kan tarlang dawn bawk a ni

College hmasawna tur leh hmel mawina tur ngaihtuah ho zel ila, kan theihtawp chhuah zel turin kan insawm in kan in chah bawk a ni.

Literature Club

Literature Club Govt Hnahtial College chuan Literature kawnga hma kan sawn theih nan chak zawka hmalak a tum mek a, hmalakna tur hrang hrang kan nei a, Literature Club te'n tih hlawhtlin tumin theihtawp kan chhuah mek a, hmalakna hmasa atan Inter High/Higher/College Level Article Writing Competition buatsaih tum a ni a, he competition hi Department thenkhat nena in collaborate tura ruahman a ni a, thawhpui tur thenkhat hmuh tawh ni in, August thla tawp hian competition neih tum a ni. Little Library alo changtlun zawk nan Literature Club te'n lekhhabu kan khawn khawm dawn a, he plan hi College-a thawktute leh zirlaite atangin a ni dawn a ni. Tun atangin kan rilru lo siam ila, lekhhabu donate theuh turin kan in ngen e. Literature Campaign/Awareness hi College zirlaite tan kalpui tur a ni bawk a, a hun leh ni te hi la rel leh tur a ni a. he Programme atan hian MZU lama kan mithiam neihte atangin kan beisei dawn bawk a ni.

College Profile

Conveniently located at the North tip of Hnahtial Town, in an exotic hill slope with varieties of evergreen fruit bearing trees, flowering plants and bamboos, Hnahtial College was established on 20th July, 1979. It has a spacious Campus covering 268.86 bighas of land allotted by the State Government.

Founded by the Hnahtial populace with an eye to the future, the College, since its inception, has committed itself to provide quality education to the youth. The College is constantly upgrading and reinventing itself to the needs and opportunities brought about by the evolving global trends. It aims to educate the students to become the future backbone of the society.

The College is granted permanent affiliation to Mizoram University in 2005 and is recognized by the University Grants Commission (UGC) under 2(f) and 12(B) of the UGC Act on 17th November, 2006.



THU THA LEH DIK

Thinrim wawi khat i insum chuan i ni za lungngaih i pum pelh ani.
Thinrim laia thuthlukna siam hi huaisenna dawizep ber ani.
Mi a chu ama tihsualah a in zir a, mifing chu mi tihsualah a in zir thin.
Thawhrimna zung chu a kha a, a rah chhuak erawh a thlum.
Mihring mize dik tak chu mi hnuaihngung zawkte an en danah a lang thin.
Thudik chauh sawi la, buaina i pumpelhang.
Hawihhawmna hi lei angai lova, lei theih loh erawh a nei lo.

PICTURE OF THE WEEK

Nancy Lalhmangaihsangi College Miss 2023-2024

